



UNIVERSITÄTS-
BIBLIOTHEK
PADERBORN

Universitätsbibliothek Paderborn

Mater Amoris Et Doloris

Ginther, Anton

Augustæ Vindellicorum, 1711

VD18 15312348

Consideratio II. B. Virgo ideò ab omni peccato Originali immunis, quia Mater Dolorosa erat futura. Emblema. Clava Herculis (Crucis typus) septem Hydræ capita confringens cum epigrapha: In virtute tua.

[urn:nbn:de:hbz:466:1-47286](https://nbn-resolving.org/urn:nbn:de:hbz:466:1-47286)



CONSIDERATIO II.

B. Virgo ideò ab omni peccato originali immunis,
quia Mater Dolorosa erat futura,



In Virtute tua.

Ipsa conteret caput tuum.

Gen. 3. 15.

I. **S**anson mortalium omnium facile fortissimus, cum quondam in Thamnata se conferret, ibidem inter gentiles & alienigenas de Sponsa sibi provisurus, per vineam intermediam pertransiens immanem leonem, ex specu erumpentem, sibi obvium habuit, qui rugitu gestuque corporis eum ad singulare certamen ac duellum provocavit. Quid agit in arena robustissimus athleta, *Mater Dolorosa.* **C** *cum.*

cum res moram non pateretur? citò se resolvit, & fortiter cum hoc ferocissimo leonis catulo congreditur, & utraq; manu apprehendens fauces, insolitâ fortitudine eas dirupit, atque leonem in frustra discerpit: *Et dilaceravit leonem, quasi hadum in frustra discerperet.* Simile quid de Hercule legitur, qui clavâ suâ ferratâ (crucis typo) leones & hydras domuit, aliaque Lernæ monstra extirpavit; proinde non incongruè ejusmodi clavæ pro lemmate inscribes: *Rugientem exanimat*: vel potius ad nostrum propolisum:

Jud. 14. 5.

In virtute tua.

Quæres hic prudens Lector, quid Samsonem ad tantam audaciam commoverit, ut cum leone bestiarum ferocissimo, *qui ad nullius pavet occursum*, non dubitaverit in arenam descendere? Observa hic attentiore mentis oculo Scripturam, & invenies, quòd non minimam ad hanc primam luctam Samsoni ansam dederit propria parens, hunc filium suum ponè per vineam sequens, ne ergò huic leoni in prædam cederet, aut lethali morfu ab eo sauciaretur, ipse Samson, utpote non ingratus filius prius hanc feram aggressus est, & stupenda animi corporisque fortitudine eam in frustra dilaceravit:

Jud. 14. 5. *Descendit itaque cum patre suo & matre sua in Thammata &c.*

Adverte anima Christiana hic singulare mysterium. Samson juxta S. Augustinum aliòsque SS. Patres Christum, leo verò dæmonem, *qui tanquam leo rugiens circuit, querens, quem devoret*, præsignavit. Intenderat quidem hic insensibilissimus humani generis hostis etiam purissimæ DEI Matri statim in primo conceptionis suæ instanti crudelem infigere morsum, & communi labe ac veneno peccati originalis illam quoque, prout cæteros mortales omnes inficere, sed benignissimus Filius ejus ac Redemptor noster (*plus quàm Samson*) prius Tartarei illius leonis fauces dilaceravit, quàm Virgo Mater hujus mundi immundi ingrederetur; non enim ignorabis, prudens Lector, duplex redemptionis genus esse, reparativæ videlicet & præservativæ, sed longè nobilius esse solet illud redemptionis præservativæ genus, quia in majorem redemptis cedit gloriam, & ampliorem in præservante requirit virtutem; atque

Prov. 30. 30.

1. Pet. 5. 8.

atque major gratia, teste S. Augustino, impenditur illi, cui con- S. Aug. super
servatur innocentia, quam cui remittitur culpa; proinde Christus Genes. ad lit.
DEUS singulari prorsus modo respectu SS. Matris suæ Redemp-
tor extitit, dum fauces rugientis propriâ virtute, ne lædere eam
posset, discerpsit, & caput antiqui Serpentis baculo suæ crucis,
ira contudit, ut nullum electissimæ Matri suæ labem per omnem
vitam potuerit afflare, hinc ipsa ait in Magnificat: *Fecit potentiam* Luc. 1. 32.
in brachio suo, & in eodem Cantico: *Fecit mihi magna, qui po-
tens est, quid verò non possit Omnipotens? Quid non possit vir-
tus Crucis: In virtute tua?*

2. Vis alium de hac veritate conceptum? En Assuerum in
medium produco potentissimum illum Persarum Regem, qui, cum
de ruina & exterminio totius populi Israëliti, nec exceptis qui-
dem parvulis, ageretur, soli Reginae suæ Esther in signum pecu-
liaris gratiæ & exemptionis virgam suam regiam super collum ejus
posuit: *Noli metuere Esther: non morieris, non enim pro te, sed* Esth. 2. 22.
*pro omnibus hæc lex constituta est. Tulit ergo auream virgam, &
posuit super collum ejus, & osculatus est eam.* Ad quid, obsecro,
Rex virgam suam regiam solum super Esther extendit? & ad quid
eandem virgam in signum singularis exemptionis super collum e-
jus posuit?

Adverte: per hanc virgam, per quam Rex Assuerus Regi-
nam Esther ab omni lege mortis immunem declaravit, D. Bona- S. Bonav. in
ventura, Petrus Damianus & plures alij Doctorum virgam Domi-
nicæ Crucis subaudiunt, per quam Filius DEI SS. Matrem suam 3. Sent. ep. 3.
4. 2. q. 2.
ab omni actualis & originalis peccati macula ante omnem lapsum
exemit; si enim *Angeli*, juxta Mellissimum Bernhardum, *sunt re-
dempti Sanguine Christi, non à peccato, quod commiserunt, sed ab eo, S. Bernh.
Serm. 21. sup.
Cantica.*
quod possent committere, quanto magis Regina Angelorum à dul-
cissimo Filio suo per merita crucis & sanguinis sui olim in passione
fundendi ab omni peccati forde, imò & à debito proximo contra-
hendi peccatum originale præservata est, quia ita decebat tantum
Filium, ut Matrem tantam & adeò dilectam, quantum potuit,
& decuit, etiam à minimo dedecore præservaret, quia talis re-
demptio præservativa multò nobilior atque perfectior est, quam si
C 2 post

post lapsum ut cæteri hominum per crucem & passionem Filij DEI fuisset redempta : *Non enim pro te sed pro omnibus hæc lex constituta est.* Quam veritatem pereleganter insinuavit Jeremias Propheeta, dum de Christo patiente vaticinatus est : *Torcular calcavit Dominus Virgini filie Juda ; quod cruentum Crucis torcular Christus etiam pro hac sua innocentissima Matre & Virgine calcavit, non ut à peccato mundaretur, prout pulcherrimè observat Eminentissimus S. R. E. Cardinalis Sfondrati, sed ne peccatum incurreret ; ergo quòd sine macula sit, & concepta & nata, debet torculari & cruci, &c.*

Esther, 15. 13.

Thren, 1. 15.

De Innocentia Vindicta f. 26.

In virtute tua.

3. Progredior ulterius. Insignem sibi laudem quondam in Sacra Scriptura commerita est Rahab Jeruchuntina, dum duos Exploratores, à Josue duce ad explorandum Jericho dimissos, non tam hospicio excepit, quàm & benignè fovit, ac in domo sua muro & urbis portæ vicinâ, ne in hostium manus devenirent, sollicitè occultavit, ac tandem in fune coccineo per mænia civitatis demisit ; ob quam causam dicti Exploratores, ut se beneficio gratos exhiberent, & officium officio redderent, huic liberatrici suæ suasere, ut in assaltu, urbisque & incolarum communi interitu eundem funem rubeum fenestræ suæ appenderet, ex quo signum illius inter reliquas omnes unicum esse conservandam dignoscerent : *Et illa respondit, sicut locuti estis, ita fiat, dimittensque eos, ut pergerent, appendit funiculum coccineum in fenestra ; cui pro interim pro lemmate inscribimus : In cocco una salus.*

Josue, 2. 21.

S. Ambr. lib. 5. de fide. c. 5.

Pf. 96. 4.

Per hunc coccineum funiculum, per quem salus domui Rahab facta est, haud immeritò SS. Patres Christum JESUM & hunc Crucifixum, ejusque SS. cruorem in ara crucis pro salute mundi effusum, subaudiunt ; ita S. Ambrosius : *Signa fidei, inquit de Rahab, atque vexilla Dominicæ passionis attollens, coccum in fenestra ligavit, ut species cruoris mystici, quæ foret mundum redemptura, vernaret. Ita foris JESU nomen fuit preliantibus ad victoriam, intus species Dominicæ passionis periclitantibus ad salutem : unde quia intellexit Rahab cæleste mysterium, dicit Dominus in Psalmo : Memor ero Rahab & Babylonis scientium me &c.*

Hic

Hic rogo, observes Anima Christiana! in civitate Jeruchuntina sola domus Rahab ab incendio & communi devastatione fuit libera, & magno studio à JOSUE ab interitu conservata: & JESUS, SS. Matrem suam non simili privilegio donasset, atque per coccineum funiculum SS. Crucis & Sanguinis sui à communi generis humani ruina, per noxam originalem immisâ, non conservasset immunem? Si Angeli, imò & Protoplasti sine delicto originali in prima justitia fuerunt creati, & cur Regina cœlorum non eodem digna censenda erit privilegio? absit à nobis hæc periculosa cogitatio: *Sanctificavit enim Dominus tabernaculum suum, Ps. 45. 5,* purissimumque effecit COR illud, quod futurum aliquando foret SS. Trinitatis dignissimum habitaculum, porta semper clausa, horus conclusus, lilium inter spinas, rosa sine spinibus, speculum sine macula, fons signatus, virga semper florida &c. Audi S. Ildephonsum: *Ab omni pressura maledictionis non ex se se, sed ex virtute Altissimi immunis & aliena fuit &c.* Et S. Laurentius Justinianus: *Ab omni originali delicto nullus excipitur præter illam, quæ genuit mundi Salvatorem, quia sic nequaquam caput draconis, hoc est, initium peccati contrivisset, sed potius serpens prius Virginis caput attrivisset, quod contra Scripturam est: Ipsa conteret caput tuum.*

S. Ildeph. de Virg. B. M. pag. 448. S. Laur. Just. p. 2. de persect gradibus. c. 1. Gen 3. 15.

4. Recordor hic illius Arcæ fœderis, per quam DEUS tot quondam fecit, ac patravit miracula. Cum Josue Hebræorum populum in Palestinam traducturus, nec pontem, nec naves haberet, quibus tam ingentem exercitum per Jordanem, tunc temporum intervallo ob nives in vicinis montibus liquatas, summo- perè exundantem, trajiceret, prædictam Arcam à Sacerdotibus applicari jussit, ad cujus conspectum mox Jordanis retrorsum conversus est, immotusque in suo cursu stetit: *Steterunt aquæ descendentes in loco uno, & ad instar montis intumescentes apparebant. Josue. 3. 15.* Quis, obsecro, ad tam insolitum prodigium non obstupescat? quis non hæreat attonitus? quid est, non immeritò cum Psalte Regio exclamo, quòd *tu Jordanis conversus es retrorsum? Quid est? Dic. Ps. 113. 5.*

Audi S. Damascenum: *Sacra, inquit, & animata arca DEI viventis MARIA est, Jordanis vero Rivus Judicij interpretatur, ubi ergo in judicio Divino sententia mortis ob originale delictum in om-*

S. Damasc. de Nat. Virg. Serm. 2.

- Rom. 5. 22.** nes posteros Adami lata fuit : *Et in omnes homines mors pertransiit*, hæc tamen sola animata DEI Arca, quia Virgam illam prodigiosam Aâronicam & cœleste Manna, hoc est, Christum JESUM, pro salute mundi in ara Crucis olim immolandum, in suo utero suo tempore erat gestatura, ob singulare privilegium & gratiam, nulli mortalium concessam, excepta fuit : Hic steterunt aquæ descendentes à primo peccati originalis diluvio, & Arca DEI viventis innoxie pertransiit ; de qua Arca ulterius referunt Sacræ Paginæ, quòd caput immundi illius Dagonis generosè contriverit, ac longè à se illud Acheronticum idolum projecit : *Porro Dagon solus truncus remanserat in loco suo.* Sic B. Virgo, utpote Arca Sacramentorum DEI, ita illam S. Ildephonus appellat, statim in primo instanti animationis suæ impium Dagonis infernalis caput contrivit, & infernale hoc monstrum longè à se projecit : *MARIA Virgo*, ait Origenes, *neque persuasione serpentis decepta est, neque ejus afflatibus infecta*, non enim idonea Mater DEI fuisset, si aliquando peccasset, quia honor parentum in prolem redundat, juxta illud : *Gloria filiorum patres eorum.*

- Num. 17. 8.** 5. Sola Virga Aaronis in tabernaculo floruit, cæteris omnibus
S. Bernb. ficcis & aridis permanentibus : *Invenit germinasse virgam Aaronis, &*
Serm. in sap. *turgentibus gemmis eruperant flores.* Virga hæc incontaminata DEI
22. apoc. Genitrix fuit : *Hæc Sacerdotalis virga*, ait Mellifluus, *dum sine radice floruit &c.*

- Sola illa Oliva ex cæteris arboribus in universalis diluvio intacta permanfit, ex qua columba florentem furculum decerpfit : *Venit ad eum ad vesperam, portans ramum olivæ viventibus folijs.* Oliva hæc
Gen. 8. 11. immaculata Virgo fuit : *Oliva speciosa in campis*, ubi noxa originalis,
Ecclesi. 24. 19. quasi diluvium universum terrarum orbem devastavit, sola illa
Cajet. cit. à Oliva mystica intacta permanfit : *Hinc olivæ ramo*, ait Cajetanus,
Fin. & in *id est MARIÆ diluvium nocere non potuit &c.*
7 est Spirit.

- Sola illa arca Noëmica in communi cataclysmo indemnis & intacta servata est, unde lemma : *Communis discriminis expers* ; B. Virgo, ait Chrysippus, *Arca est, cujus architectus & incola erat ipse DEUS*,
Gen. 7. 23. non ergo decebat, ut & illa in hoc universalis originalis peccati dilu-
Chrysp. or. vio periret, quia facta est sicut navis institoris, de longè portans panem
not. de Virg. sfondrati in suum ; supra quod Eminentissimus Sfondrati : *Navis, hoc est, Mater ;*
Prov. 31. 14. *Instituta.*
Sfondrati in
Innocent.
Vindicata.

B. Virgo quare ab omni peccato originali immunis? 29

Institutoris, hoc est, Redemptoris; de longè, hoc est, de cœlo; portans, hoc est, utero gestans; panem, hoc est DEUM; hæc inter tot naves & animas, quæ hoc mare percurrunt, sola scopulum peccati effugit, ad quem reliquæ omnes naufragium fecerunt.

Sola illa terra Sacerdotalis in Ægypto, fame orbem universum premente, à communi laicorum onere ac tributo semper immunis & exempta permanit: Emit igitur Joseph omnem terram Ægypti, vendentibus singulis possessiones suas præ magnitudine famis, præter terram Sacerdotum. B. Virgo terra illa benedicta & Sacerdotalis exitit ab omni tributo peccati, tum actualis tum originalis immunis: Tempore, ait Antonius de Rampelosis, quo fuit in mundo egestas gratiæ, Ant. de omnis humana creatura tributaria fuit peccato exceptâ Matre Sacerdotis Magni, quæ ex divino privilegio libera fuit &c. Ramp. in fig. Bibl. f. 455.

Solus ille Lectulus Sapientissimi Salomonis, ne vel minimâ contaminaretur sorde, singulari curâ & studio à fortissimis servatus est: En lectulum Salomonis sexaginta fortes ambiunt ex fortissimis. Supra quod Richardus à S. Laurentio: Per lectulum Salomonis anima MARIÆ significatur, in qua Beata Trinitas quievit &c. quem floridum lectulum non sexaginta tantum, sed & innumeri fortissimorum cœlestium Spirituum custodiebant, ne levissimâ labe conspurcetur: Decebat, subintrat hic S. Ambrosius, ut Christi conceptio de Matre purissima fieret; nempe decens erat, ut eâ puritate, quâ major sub DEO nequit intelligi, Virgo illa niteret &c. Cant. 3. 7. Rich. à S. Laur. lib. 29. S. Ambros. lib. 1. de conceptu virginitatis cap. 18.

De solo illo Throno, à Sapientissimo Rege Salomone ex ebore candidissimo & auro mundissimo præparato dicitur: Non est factum tale opus in universis regnis. Thronus hic B. Virginem ac DEI Matrem dignissimam præsignavit, quem sibi Christus, qui plus est quam Salomon, elegit, cui mystico throno pro lemmate inscribes: Uni; vel Soli DEO. Audi & S. Antonium Paduanum: Tale opus, inquit, non fuit factum in universis regnis, quia nec primam similem visâ est, nec habere sequentem. 3. Reg. 10. 20. Matth. 12. 42. S. Ant. Pad. Dom. 5. post Trinit.

6. O purissima Virgo, quis has veritates attentâ mente considerans, non tibi ex animo gratuletur, quòd DEUS SS. COR tuum solum ac unicum ex omnium mortalium cordibus elegerit ab omni
PECC

24 *B. Virgo quare ab omni peccato originalis immunis?*

*S. Anselm.
de Concept.
V. M.*

peccati sorde immune, ac tanto Filio, orbisque Redemptore dignis-
simum habitaculum? *Nihil tibi Domina æquale, meritò exclamat D.
Anselmus, nihil comparabile, omne quod est, aut supra te, aut infra te est,
supra te est solus DEUS, infra te omne illud, quod DEUS non est.*

Psal. 33. 6.

*Hug. de S.
Viç. de Laud.
B. V.*

Quid igitur superest Mariani Cultores, nisi ut purissimam hanc
Virginem, supra omnes puras creaturas à DEO benedictam, debi-
to, quo possumus, amore, cultu ac veneratione prosequamur? Si
hæc SS. Deipara speculum est absque macula, cur non intuemur hoc
mundissimum speculum, ut maculas cordis nostri emundemus? Si
omnium cordium afflictorum est solatium, cur non hoc calamitoso
tempore ad illam confugimus? Si abyssus gratiarum est, cur nul-
lam gratiam per illud SS. COR MARIÆ à DEO flagitamus? Si
ager plenus est, cui benedixit Dominus, cur abinde benedictionem
non quærimus? O miseri mortales! *Accedite, & illuminamini, &
facies vestre non confundentur.* O quàm bene Hugo de S. Victore:
*Si accedam, inquit, ad iudicium, & Matrem misericordie habuero
in causa mea, quis Iudicem denegabit propitium?* An non illam An-
gelus gratiâ plenam pronuntiavit? ergo & nobis misellis poterit gra-
tiam aliquam à pientissimo Numine impetrare, aliàs non esset plena
gratiæ; discamus proinde pro coronide hujus considerationis à Ve-
nerabili P. Spinola Soc. JESU Sacerdote dignissimo & famâ Sanctita-
tis notissimo, qui ita DEUM orare solebat: *Domine per COR Bea-*

*Casp. Tausch.
de Mat. Dol.
L. 3. PRAX. 17.*

tissime Virginis da mihi gratiam, ut nunquam te peccato aliquo offen-
dam, sed semper voluntatem tuam impleam. O utinam, ô uti-
nam & mihi & tibi obtingat hæc gratia!



CON-